

donkiĥoto ☿. Literatura tipo de viziulo, por kiu materiaj aĵoj estas senvaloraj, k kiu celas belajn sed neatingeblajn idealojn: ~a batalo kontraŭ mueliloj; ~ismo.

dosiero. 1 Kolekto de aktoj, dokumentoj, notoj ks, rilataj al unu afero aŭ unu persono, k ordinare entenataj en unu kovertego. Kp LIGAJO. 2 Ĉe la polico, aparta registro de ies antaŭaj agoj, kondamnoj ktp.

* **Du** ALD ~ilo (St). Nombro, kiu dividas en du egalnombrajn partojn aron da nombroj ordigitaj en serion laŭ la granda. ~ono... RIM. Duon- estas uzata prefikse kun la signifoj: 1 de preciza

aŭ proksimuma ~ono: ~onlitro, ~onhoro, ~onplena, ~ontole bindita ktp. 2 de nepleneco, nekompleteco: ~onnuda, ~onkuirita, ~ontumo, ~ondio, ~onvoĉe, ~onsurda ktp. 3 de parenceco inter la infanoj el unua edziĝo de unu el la geedzoj k la infanoj de tiu dua edziĝo k reciproke: ~onfrato, ~fratino; la ~onfratoj havas komuna unu el la gepatroj. Kp vo-, vic-.

dukto ♥. Organa konduktubo: ovo~o; spermo~o; sen~aj glandoj (kiuj eligas specialan sekreciaĵon interne de la organismo, kiel pankreaso aŭ tiroido). Kp ENDOKRINA.

dura ☿. Malmola, malmilda.

E

* **E**. La sesa litero de la Esp. alfabeto, uzata interalie kiel angla-germana nomo de la tria tono de la natura majora skalo, respondanta al la sonoro de 326 periodoj en sekundo (= franca-itala «mi»).

ed ☿. Sufikso, per kiu oni formas la nomon de familio almetante ĝin al la nomo de ties tipa genro; ekz-e al la familio de Cerv~oj apartenas la genroj cervo, alko, rangifero, kapreolo, damao ks (-idae).

efodo z (Bb). Hebrea pastra vesto.

Ekipi ALD (Avi). Sub~aĵo. La tuto de la radoj, glitiloj aŭ flosiloj, kun ties subteniloj aŭ muntaĵo, sub la korpo de aŭtadilo: *trirada, entirebla sub~aĵo*.

ekonomiko ANST = Ekonomio 2 k 3.

eksplicita ☿. Esprimita per precizaj detalaj vortoj, lasantaj nenion subkomprenata; malimplicita: *tiu kazo estas ~e antaŭvidita en la lego; la ĉarto ~e permesas la ekziston de regionaj kontraktoj*.

eksposti ALD 3 Ekspozicii: *la bazarulo ~deklamis laŭdante siajn artiklojn; pro la homamaso personoj plendis, ke ili ne povis vidi la ~on; ~istoj estas pagataj salajre k kurtaĝe de sia firmo*.

ekstradiĉi (tr) ☿. Transdoni fuĝintan krimintan al la kompetentaj juraj

instancoj de alia lando: *kelkaj landoj rifuzas la ~on en ĉiaj okazoj*.

ekstrapoli (tr) △. Kalkuli la valoron, kiun havas unu funkcio, kiam la varianto, de kiu ĝi dependas, troviĝas ekster la intervalo de du jam konataj valoroj de tiu funkcio.

ektoplasmo (R). En la spiritisma kredo, videbla emanajo de psika origino, eliranta el la korpo de mediumo.

ekzekucio ☿. Juĝa aŭ administra ago, per kiu oni devigas ŝuldanton aŭ kondamniton plenumi la decidon entenatan en la juĝo, verdikto aŭ administracia akto jure plenvalidaj. ~i (tr). Plenumi tian agon: *~i verdikton per aŭkcia vendo de domo, per konfisko de parto de la salajro, per forprenado de la ŝuldata objekto*. ~isto. Juĝa aŭ administra oficisto, komisiita plenumi ~on.

ekzekvi = ekzekucii.

ekzekvato ☿. 1 Decido de kompetenta enlanda tribunalo, per kiu ĝi permesas la ekzekucion en sia lando de eksterlanda juĝo aŭ verdikto. 2 Akto, per kiu unu ŝtato aprobas, ke alilanda konsulo plenumu siajn funkciojn sur ĝia teritorio.

* **Ekzisti** ALD ~adismo. Ekzistencialismo.